



RAVEHIAVY, NAHOANA HAVAO NO MITOMANY? NATAONI MARK R. PUGH

Ireo vavolombelon'ny Fitsanganany tamin'ny maty maro

“Izaho dia mino ireo vavolombelon'ny Fitsanganany Mpamonjy tamin'ny maty maro, izay hita ao amin'ny Testamenta Vaovao ny zavatra niainan'izy ireo sy ny fijoroany ho vavolombelona, dia i Petera sy ireo namany tao amin'ny Roambinifololahy, ary i Maria Magdalena malala sy madio, ankoatra ny hafa. Mino ireo fijoroana ho vavolombelona hita ao amin'ny Bokin'i Môrmôna aho, ny an'i Nefia ilay Apôstôly niaraka tamin'ny valalabemandry tsy voalaza anarana tao amin'ny tanin'i Soafeno, ankoatra ny hafa. Ary mino ny fijoroan'i Joseph Smith sy i Sidney Rigdon ho vavolombelona aho, izay taorian'ireo tenivavolombelona maro, dia nanambara ilay fijoroana ho vavolombelona lehibe amin'izao fotoampitantanana farany izao manao hoe—Fa velona Izy! Fa hitanay Izy.—Eo ambany fijerin'ny maso matsilony, dia mijoro ho vavolombelona koa aho fa i Jesoa avy any Nazareta no ilay Mpanavotra nitsangana tamin'ny maty, ary ambarako fa marina ny zavatra rehetra izay vokatry ny *fisian'ny* Fitsanganany tamin'ny maty. Enga anie ianareo hahazo finoana matanjaka sy fahatoniana noho ny fahazoana fijoroana ho vavolombelona toy izany.”

Loholona D. Todd Christofferson ao amin'ny Kolejin'ny Apôstôly Roambinifolo, “Ny Fitsanganany i Jesoa Kristy tamin'ny maty,” *Liahona*, mey 2014, 114.

Fampiharana ho an'ny tena manokana:

Na dia tsy anisan'ireo izay nahita ilay vatana nitsangana tamin'ny maty sy tonga lafatra an'ilay Mpanavotra aza isika dia mbola afaka mijoro ho vavolombelona momba Azy amin'izao fotoana izao. Afaka ny ho laharam-pahamehana eo amin'ny fiainantsika foana Izy, na rahoviana na rahoviana ary na aiza na aiza misy antsika. Isaky ny manolotra ny fonsika sy ny tanantsika mba hanompoana ny hafa isika; mampiseho hamoram-panahy, hatsaram-panahy sy fanajana amin'ny rehetra; miaro ny fahamarinana; mizara ny fijoroana ho vavolombelona ananantsika momba ny filazantsara, dia mijoro ho vavolombelona marin'i Jesoa Kristy isika.

SOMBINY AVY AMIN'NY IMARAHANA-MANDEHA AMIKO, NATAONI GREG OLSEN, TSY AZO ADIKA

Tsy voatery handeha irery isika

“I san'ny fampiononana lehibe amin'izao vaninandro Paska izao ny hoe, na dia nandeha irery tanteraka tamin'ny lalana lavitra sy mitokana aza i Jesoa, dia tsy voatery hanao izany *isika*. Ny dia manirery izay nataony dia nitondra namana maro eo amin'ilay lalantsika izay mitovy endrika amin'izany lalana izany fa somary kely: ilay fiahiana feno famindrampon'ny Ray any An-danitra, ilay fiarahana mafy orina amin'ilay Zanany Malalany, sy ilay fanomezan'ny Fanahy masina izay lehibe indrindra, ny anjelin'ny lanitra, ny olona ao amin'ny fianakaviana na ny eto an-tany na ny any ambadiky ny voaly, ny mpaminany sy ny apôstôly, ny mpampianatra, ny mpitarika, ary ny namana. Ireo rehetra ireo ary ny ankoatra izay dia nomena mba ho namana mandritra ny diantsika eto an-tany noho ny Sorompanavotan'i Jesoa Kristy sy ny Famerenana amin'ny laoniny ny filazantsarany. Nolazaina mafy toy ny feon'ny anjomara avy eny an-tampon'i Kalvary ilay fahamarihana fa isika dia tsy mba havela irery velively na tsy hampiana, na indraindray aza isika mety mahatsiaro ho toy izany. . . .

“ . . . Enga anie isika hijoro eo anilan'i Jesoa Kristy—amin'ny fotoana rehetra sy amin'ny zavatra rehetra, ary amin'ny toerana rehetra, mba ho eo [isika], ary mandrapahafaty mihitsy aza,—satria tsy hihambahambana fa toy izany no nijoroany teo anilantsika rehefa *maty* ho antsika Izy sy tsy maintsy nijoro irery tanteraka.”

Loholona Jeffrey R. Holland ao amin'ny Kôlejin'ny Apôstôly Roambinifolo, “Tsy mba nisy niaraka Taminy,” *Liahona*, mey 2009, 88.

Fampiharana ho an'ny tena manokana: Amin'ity Paska ity, dia tsarovy ilay dia farany nataon'ny Mpamonjy irery. Nanao sorona ny zavatra rehetra nananany Izy mba hahafahanao sy ny olona rehetra eto an-tany ho lasa madio sy hanana ny fiainana mandrakizay. Mianarà avy amin'ny ohatra tonga lafatra nasehony. Tazon'ny ao an-tsainao sy ao am-ponao Izy. Ary tsarovy lalandava fa tsy irery velively ianao. Noho Izy nizaka ilay diany farany tao anatin'ny fanirery tanteraka, dia tsy handao anao Izy. Tsy misy fetra ary tsy miova ny fitiavana anao, ary vonona foana ny hanolotra fiadanana sy fampiononana ary fanantenana ho anao Izy rehefa manohy ny dianao manokana ianao. Maharitra mandrakizay ny Sorompanavotana natolony ary nomena anao izany. ■

Jereo ny fomba hanampian'ny andro Paska fahizay antsika hahatakatra ny Paska ao amin'ny [lds.org/go/41817](https://www.lds.org/go/41817).

